



## Universitätsbibliothek Paderborn

### **Res Gestae Illvstrissimo-||rvm Martyrvm, Con-||fessorvm Atqve Sancta-||rvm Virginvm ...**

Eorvm Praecipve, Qvae Per|| R. P. L. Surium sex Tomis compraehensae  
sunt:|| et nunc restrictis verborum ambagibus ... ad ... D.|| Caesaris  
Baronii Chronologiam|| digestae ac in quatuor Tomos distributae

**Lippeloo, Zacharias**

**Coloniae, 1595**

**VD16 ZV 18288**

S. Auiti Presbyteri.

[urn:nbn:de:hbz:466:1-43699](https://nbn-resolving.org/urn:nbn:de:hbz:466:1-43699)

ulturum. Nec defuit dicto fides. Nam Agnes paulo post intolerabili morbo correpta non prius vel pedibus insiltere, vel ecclesiam ingredi potuit, quam agnita indiscretionis suae culpa Lutgardem pristino more, caelesti pane frui permetteret.

Ab angelis  
virgo susten-  
tatur.

Vt autem quarundam monialium, quae minus digne de illa sentiebant, temeraria iudicia compescerentur illiusque meritum clarius innotesceret, accidit, praecelso sane miraculo, ut die quodam Dominico ad altare pergens, cum praenimia corporis debilitate sub graui casu periclitaretur, angelico fulciretur ministerio: prorsus ut sacrae virgines viso splendore immenso, qui eam circumdabat, timore percussae summa eam deinceps veneratione prosequerentur. Quin & aliorum quorundam sanctorum familiari colloquio Dominus eam in vita consolari dignatus est. Ipsa vero mira solitudine afflictos & amentatos consolabatur: adeo ut nemo non eius sermonibus se resectum gauderet.

Exceatur  
sacra virgo.

Moritur fo-  
liciter.

Vndecimo ante obitum suum anno, in Istar Patriarcharum Isaac & Iacob ambobus est orbatu luminibus, pro quibus caelestis luminis splendoribus solito clarius perfusa, tandem ad liberam auras supernae Hierusalem exultans & laetabunda euolauit.

VITA S. AVITI PRESBYTERI, EX EA  
quae est apud Surium.

17. Iunij.

Patria S.  
Auiti.

**A** vitus apud Aurelianos plebeio sanguine natus matrem habuit ciuitate Viriduno oriundam, quae ut inopiae & egestati suae subueniret, Aureliam se conferre coacta est: ubi sacro matrimonij vinculo cuidam Bellicolae sociata Auitum egregia indole filium peperit. Is autem in ipso suo



ortu tanto cum lumine prodijt: vt obstetricæ ab officio deterritæ & miraculi stupore percussæ, cælestem splendorem ausæ non fuerint intueri.

Cùm autem puer infantia rudimenta superasset *Fit Monachus.*

ad Mithianense monasterium deuotus aduolauit, ubi rãto pietatis ac religionis studio, Deo seipsum consecrauit; vt cibo suo clãm egenis impartito, ipse ieiunus permaneret: detractisq; sibi vestibus aliorum nuditatem tegeret. Abbas igitur cum cerneret eum cælestibus rebus præ cæteris deditum, ne eius ieiunandi vigilandique assiduitas inuidia pateret, cellulam ei longè ab alijs semoram construxit, vt ibidem tranquillo animo totus diuinarum rerum studio vacaret. Vt verò omnes manifestis iudicijs vitæ eius integritatem cognouerunt, inuito prorsus cellarij munus demandarunt. Sed cùm ab immixta familia, propter illam ministerij sarcinam crebris insidijs appetereetur, nocte quadam, depositus eant ad lectum Abbatis clauibus, relicto onere ad Calauriæ loca abditißima secessit: vbi constructa è vilibus virgultis cellula, multis diebus delituit: donec Maximino monasterij Abbate vitæ munere magna cum laude perfuncto, à fratribus tandem repertus & in defuncti locum frustra reluctas constitutus est. *Secedit in locum desertum.*

*Fit Abbas sui monasterij.*

R, EX EA

sanguine  
duno ortu  
sua subuen  
ubi sacro  
ciata Auson  
in ipso  
ortu

Tùm verò ingrato sub fasce humilitas sublimata gemiscens rursus fugam meditatur. Vno igitur pueri comite contentus vastas Pictiæ sylvas solitudines expetijt, vbi exigua ex corticum fragmentis domo congesta, longè à villarum culminibus clandestinum amplectitur exilium: & diu multumque ruricolis ignotis pomiferis dapibus, quas sylua ministrabat, se se sustentat. *Rursus fugit in eremum.*

Iii 3

Per



Per id tempus, vberimos glandium prouentus  
 nemus omne suppeditauit: cumque duo subulci  
 immensam ipsam vastitatem lustrarent, vnus iam  
 olim mutus longo silentio fratrem per auia comi-  
 tabatur. Itaque pastoralis ritu inter cæruleæ no-  
 ctis spatia accensis tedis vagantem pecudem illis  
 sequentibus subito tedis ab immenso imbre ex-  
 tinctis, pecus ab oculis euauit, nec vllam spem  
 recuperandi luminis eremi vastitas offerebat. In-  
 terim formidantes gregi oculis maiori cura inui-  
 gilant. Tandem viso procul igne, instar stel-  
 læ radiantis Olympi, mutus eò properat. Vbi ad  
 tugurium beati viri peruenit fixus in limine bal-  
 butiensque protensa teda nutibus rogat sibi ignem  
 dari. At vir Dei in medijs densæ noctis tenebris  
 cernens hominem tetra facie, deformi capillo,  
 vilibus pannorum fragmentis semitectum nomi-  
 nil perterritus quod putaret se aliquod immanis  
 eremi monstrum videre, aut inter nocturnas tem-  
 pestates dæmonem sibi apparere, mox ad oratio-  
 nis præsidia suo more confugiens humi se proster-  
 nit, & diu multumque Dominum cum lachrymis  
 deprecans tandem surgit: ac Crucis signum contra  
 hominem manu pingens sic affatur ignotum: Qui-  
 nam sis tam subito meo illatus tugurio prolus-  
 gnoro: sed per Christum omnipotentis Dei fili-  
 um cruci suffixum te adiuro, vt cuius generis  
 monstrum sis, vel quid in desertis his locis agas  
 mihi edicas. Mox ad imperantis vocem insonans  
 lingua laxatur, voxque intra fauces renascitur:  
 indicat homo quid necessario petiturus venerat:  
 fateretur maiora se accepisse, quam perierit, quip-  
 pè qui lumen solum expetens, etiam vocem sine  
 pretio referat. Deinde sentiens viri Dei virtutem,  
 ad eius

Mutus lo-  
 quitur à san-  
 cto viro in-  
 terrogatus,

adei  
 lata s  
 P  
 longi  
 bi illu  
 quare  
 fratri  
 nomi  
 turbat  
 marit  
 auder  
 rit. Ha  
 tante,  
 que vul  
 mine fra  
 iuseurn  
 lect, sci  
 tantecog  
 Sole c  
 prostrati  
 petra f  
 cum ille  
 nisset, no  
 stui, ob  
 pestam vl  
 quod cæle  
 lebat. M  
 ur & Aui  
 i confluu  
 em atting  
 agnores  
 uces Deu  
 a populi  
 uultiora



ad eius se pedes abiicit, immensas gratias pio col-  
lata sibi medicina agit.

Porro effrenis porcorum grex cum custode  
longius abscesserat, nec iam scire potuit homo, v-  
bi illum inter opaca sylvarum & noctis umbras  
quareret. Mox nouo iubilo complet nemus, &  
fratris nomen crebra voce compellat. Ille ut  
nomen suum audit iactari per auras, obstupescit,  
turbatusque animo miratur quis vel muto refor-  
marit vocem, vel importunis clamoribus ipsum  
auder appellare, vel prius incognitus eò aduene-  
rit. Hæc autem illo inter arborum umbras cogi-  
tante, lumen obuium conspicitur, adueptantif-  
que vultus exploratur. Postquam ergo prodente lu-  
mine fratrem incolumen vidit, irruit in collum e-  
ius eumque complexans gaudia lachrymis permis-  
cet, sciscitatur de medico, virtutis vim illo nar-  
rante cognoscit.

Sole orto ambo properant ad hominem Dei:

prostrati ingentes agunt gratias, grandem pro im-  
petrata sanitate porcum offerunt sacerdoti. Sed  
cum ille omnem sibi carnis esum penitus interdi-  
xisset, noluit accipere, iubet suo gregi porcum re-  
stitui, obsecrat, ne vel ipsum vel locum aut rem  
gestam ulli reuelent. Sed celari diu non potuit,  
quod cælestis virtus, ipso Domino iubente, pro-  
debat. Mox in vicinos rei gestæ fama diffundi-  
tur & Auius ubique celebratur. Undique deuo-  
ti conflunt populi, languentium ingens turba  
eum attingere cupit. Morbus omnis depellitur,  
anguores omnes curantur, tolluntur in cælum  
voces Deum laudantium. Cumq; vir Dei immen-  
sa populi multitudine pressus, nocturnis horis  
occultiora loca exquirere vellet, tam populi

Iii 4      quàm

Vir Dei per  
petuò absti-  
net à carni-  
um esu.

Multi ad eū  
morbidi eō  
fluunt & sa-  
nantur.



Monasteriū  
construit.

quā præsulum & precibus & auctoritate flexus monasterium eodem in loco sanè egregium construxit, in quo in hunc vsque diem priscorum patrum Pauli & Antonij instituta inconuulsa seruantur.

Signo crucis  
exco reddit  
lumen.

Per id tempus Aureliam proficiscebatur liberaturus miseros qui in ergastulis vincti tenebantur. Venit autem ei obuiam immensa turba languentium; e quibus paruulus vnus à natiuitate cæcus Crucis signo per eum lumen recepit. Tantis autem & tam egregijs vbique fultis miraculis, vt ijs iudicum superba potestas permota vinctos omnes, eo rogante, relaxarit. Fertur quoque

Excitat vita  
functum.  
Is S. Leobi-  
nus floruit  
anno Chri-  
sti 525.

vita functum vir sanctus precibus ad vitam reuocasse, quemadmodum Sanctus Leobinus Carnotensis antistes se ab ipso fratre, cui tantum beneficium collatum fuerat, didicisse testabatur.

Tandem multis admodum virtutibus clarus vir beatus certaminis sui finem obtinuit & spiritu ad cælos abeunte, corpus Aniano coniunctum fuit, quorum virtutibus vrbs Aurelianorum circumscripta seruat in medio. Porro Childebertus Rex, inclytus Francorum princeps postquam illustri de Hispanis victoria potitus sospes & triumphans in regnum redijt, insignem viro sancto ædem extruxit, vbi assiduis miraculis virtutum gesta clarescunt.

MARTYRIUM S. LEONTII ET SOCIORUM, ex ea, quæ est per Cyrum scribam. Exlat in Metaphrasæ.

18. Iunij,

QVo tempore Vespasianus Romanum tenebat Imperiū, Adrianus vir Senator ordinis, au-